

**2023-mut Nunatta Karsiata naatsorsuutaasa akuersissutigineqarnissaannik siunnersuut.**  
(Aningaasaqarnermut Akileraartarnermullu Naalakkersuisoq)

**Saqqummiussissut**

(Aningaasaqarnermut Akileraartarnermullu Naalakkersuisoq)

**Siullermeernera**

Nunatta Karsiata 2023-mut naatsorsuutai Naalakkersuisut sinnerlugit matumuuna saqqummiutissavakka.

Namminersorlutik Oqartussat kukkunersiuisuat avataanersoq 2023-mut naatsorsuutitut nangaassuteqarani, erseqqissanani isornartorsiulluniluunniit oqaaseqaateqarani atsiortoq. Kukkunersiuisoq ukiut siulii assigalugit uparuaavoq allaffissornermi immikkoortut ilaat pitsanngorsaavigineqaqqissinnaasut, Naalakkersuisullu tamanna soorunami isumaqatigaat. Immikkoortuni pitsaanerulaartumik tamatigut ingerlatsisoqarsinnaavoq.

Nunatta Karsiata 2023-mut naatsorsuutaanni ingerlatsinermit, sanaartornermut taarsigassarsisitsineremullu, taaneqartartuni IST-mi angusani 431 mio. kr.-nik sinneqartoorteqartoq, tapiliussamik aningaasaliissutit ilanngullugit 16 mio. kr.-nik sinneqartoornissaq missingersuutaasoq. Angusat katillugit 415 mio. kr.-nik pitsaanerullutik.

Ingerlatsinermi sanaartornermilu angusat, taaneqartartut IS-imi angusat kisiisa tunngavigalugit naatsorsuulluni naatsorsuutit takutippaat 421 mio. kr.-nik sinneqartoorteqartoq, ilassutitut aningaasaliissutit ilanngullugit 6 mio. kr.-nik sinneqartoornissaq missingersuutaasoq. Tamassumani angusat aamma 415 mio. kr.-nik pitsaanerupput.

Angusat takutippaat Nunaata Karsiata isertitai aningaasanut inatsimmi tamassumalu kingorna tapiliussamik aningaasaliissutinit naatsorsutigineqartumit 359 mio. kr.-nik annertunerusut. Nikingassummut nuna tamakkerlugu akileraarutit nunalu tamakkerlugu immikkut akileraarutit toqqanngitsumillu akileraarutit ilimagineqartumit qaffasinnerunerat pissutaaneruvoq. Peqatigitillugu aningaasaliissutinit inatsisitigut pisussaaffiusunut aningaasartuut aningaasaliissutinit katillugit 45 mio. kr.-nik ikinnerupput, tapiissutinillu aningaasaliissutinit assigiinngitsunut aningaasartuutit aningaasaliissutinit katillugit 19 mio. kr.-nik ikinnerullutik.

Siunnersuutigineqarpoq Nunatta Karsiata 2023-mut Naatsorsuutaanik akuersineq Kukkunersiuinermit Ataatsimiititaliamut suliarineqartussanngortinneqassasoq.

Kukkunersiuinermit Ataatsimiititaliaq naatsorsuutip saniatigut kukkunersiuinermi oqaaseqaatinik kukkunersiuisup avataaneersup suliarinikuusaanik tunineqassaaq.

Naalackersuisut ukiut siulii assigalugit kukkuniuiniermi oqaaseqaatit pillugit  
ataatsimiititaliap apequtigisinnasai allaganngorlugu akissuteqaatigiffigissavaat,  
taamaalilluni taakku ataatsimiititaliap isumaliutissiissutigisassaanut  
ilanngunneqarsinnaaniassammata.

Naalackersuisut Nunatta Karsiata 2023-mut Naatsorsuutai pillugit Kukkuniuiniermut  
Ataatsimiititaliamik oqaloqateqarnissaq qilanaaraat, ataatsimiititaliallu sulilluarnissaanik  
kissaallugu.

Taamatut oqaaseqarlunga Nunatta Karsiata 2023-mut Naatsorsuutai Naalackersuisut  
sinnerlugit Inatsisartunut suliassanngortippakka.